

本紀卷第二十

元史二十

南京國子監

祭酒 侯

司業 謝德溥

補修

成宗三

三年春正月癸未朔遣番沒刺由羅斛諸國各以方
物來貢賜邏番世子虎符丙戌太陰犯太白金丑中
書省臣言天變屢見大臣宜依故事引咎避位帝曰
此漢人所說耳豈可一一聽從耶卿但擇可者任之
庚寅詔遣使問民疾苦除本年內郡包銀俸鈔免江
南夏稅十分之三增給小吏俸米置各路惠民局擇

良醫王之封藥木忽而爲定遠王賜金印命中書省
自今后妃諸王所需非奉旨勿給各位擅置官府紊
亂選法者戒飭之辛卯詔諸行省謹視各翼病軍浙
西肅政廉訪使王遇犯贓罪託權幸規免命御史臺
鞠治之士辰安置高麗陪臣趙仁規於安西崔冲紹
於華昌並笞而遣之以正其附王譟擅命妄殺之罪
復以王珪爲高麗王遣工部尙書也先鐵木而翰林
待制賈汝舟齎詔往諭之追收別鐵木而脫脫合兒
魯行軍印中書省臣言比年公帑所費動輒鉅萬歲
入之數不支半歲自餘皆借及別支臣恐理財失宜

鈔法亦壞帝嘉納之仍令諭曰赤察而等自今一切
賜與皆勿奏癸巳以江南軍數多闕官吏因而作弊
詔禁飭之以答刺罕哈刺哈孫爲中書左丞相丁酉
太陰犯西垣上將戊戌太陰犯右執法辛丑括諸路
馬隸蒙古軍籍者免之乙巳太白經天二月癸丑朔
車駕幸柳林丁巳完澤等奏銓定省部官以次引見
帝皆允之仍諭六部官曰汝等事多稽誤朕昔未知
其人爲誰今旣閱視且知姓名其洗心滌慮各欽乃
職復蹈前失罪不汝貸罷四川福建等處行中書省
陝西行御史臺江東荆南淮西三道宣慰司置四川

福建宣慰司都元帥府及陝西漢中道肅政廉訪司
廣和林甘州城詔緝山縣民戶爲勢家所蔽者悉還
縣定籍壬戌詔諭江浙河南北兩省軍民乙巳熒惑
犯五諸侯壬申加解州鹽池神惠康王曰廣濟資寶
王曰永澤泉州海神曰護國庇民明著天妃浙西鹽
官州海神曰靈感弘祐公吳大夫伍員曰忠孝威惠
顯聖王金齒國遣使來貢方物庚辰車駕幸上都三
月癸巳緬國世子信合八的奉表來謝賜衣遣還命
妙慈弘濟大師江浙釋教總統補陀僧三山齋詔使
日本詔曰有司奏陳向者世祖皇帝嘗遣補陀禪僧

如智及王積翁等兩奉璽書通好日本咸以中途有
阻而還爰自朕臨御以來綏懷諸國薄海內外靡有
遐遺日本之好宜復通問今如智已老補陀寧一山
道行素高可令往諭附商舶以行庶可必達朕特從
其請蓋欲成先帝遺意耳至於惇好息民之事王其
審圖之甲午命何榮祖等更定律令詔軍官受贓罪
重者罷職輕者降其散官或決罰就職停俸期年許
令自效戊戌熒惑犯輿鬼陞御史臺殿中司秩五品
乙巳行御史臺劾平章教化受財三萬餘錠教化復
言平章的里不花領財賦時盜鈔三十萬錠及行臺

中丞張閭受李元善鈔百錠敕俱勿問戊申減江南
諸道行臺御史大夫一員賜和林軍鈔十萬鈔夏四
月辛亥朔駙馬蠻子台所部匱乏以糧十三萬石賑
之己未太陰犯上將丙寅填星犯輿鬼太陰犯心庚
午中嚴江浙兩淮私鹽之禁巡捕官驗所獲遷賞辛
未禁和林戍軍竄名他籍自通州至兩淮漕河置巡
防捕盜司凡十九所己卯以禮部尚書月古不花爲
中書左丞賜和林軍鈔五十萬錠帛四十萬匹糧二
萬石仍命和林宣慰司市馬五千匹給之遼東開元
咸平蒙古女直等人乏食以糧二萬五百石布三千

九百匹賑之五月壬午罷江南諸路釋教總統所丙申太陰犯南斗海南速古臺速龍探奔奚里諸番以虎象及杪羅木舟來貢巳亥太白犯畢庚子免山東也速帶而牧地歲輸粟之半禁阿而剌部毋於廣平牧馬庚子復征東行中書省以福建平海省平章政事闊里吉思爲平章政事是月鄂岳漢陽興國常澧潭衡辰沅寶慶常寧桂陽茶陵旱免其酒課夏稅江陵路旱蝗弛其湖泊之禁仍並以糧賑之六月辛亥元魯兀敦慶童擅殺所部軍之逃亡者命樞密院戒之癸丑罷大名路所獻黃河故道田輸租戊午申禁

海商以人馬兵仗往諸蕃貿易者以福建州縣官類
多色目南人命自今以漢人參用禁福建民冒稱權
豪佃戶規免門役庚申太陰掩房丁卯熒惑犯右執
法壬申歲星晝見賜和林戍軍鈔一百四十萬錠鷹
師五十萬一千餘錠秋七月己卯朔太白犯井庚辰
中書省臣言江南諸寺佃戶五十餘萬本皆編民自
楊總攝冒入寺籍宜加釐正從之丙申揚州淮安屬
縣蝗在地者爲鶩啄食飛者以翅擊死詔禁捕鶩丁
未太陰犯輿鬼八月己酉朔日有食之丁巳太陰犯
箕戊辰太白犯軒轅大星已巳太陰犯五車星賜定

還王藥木忽而所部鈔萬五千錠是月汴梁大都
間水隆興平灤大同宣德等路雨雹九月癸未聖誕
節駐蹕古柵受諸王百官賀庚寅置河東山西鐵冶
提舉司壬辰流星色赤尾長丈餘其光燭地起自河
鼓沒於牽牛之西有聲如雷癸巳罷括宋手號軍乙
未太陰犯昴距星丁酉太白犯左執法己亥車駕還
大都揚州淮安旱免其田租冬十月戊申朔有事于
太廟壬子冊伯岳吾氏爲皇后甲寅復立海北海南
通肅政廉訪使山東轉運使阿里沙等增課鈔四萬
一千八百錠賜錦衣人一襲丙子太陰犯房賜禿忽

內府奏謝補修
曾不花等所部戶鈔三萬七千餘錠橐駝戶十萬二
千餘錠以淮安江陵沔陽楊廬隨黃旱汴梁歸德木
隴陝蝗並免其田租十一月庚辰置浙西平江河渠
閘堰凡七十八所禁和林釀酒乙酉太白犯房戊子
釋囚二十人丁酉浚太湖及澱山湖己亥賜隆福宮
牧駝者鈔十萬二千錠諸王合帶部十萬錠雲南王
也先鐵木而及所部三萬八千錠和林戍軍一百四
十萬餘錠弊帛二萬九千匹杭州火江陵踏蝗並發
粟賑之十二月己酉徙鎮巢萬戶府戍沅靖毗陽萬
戶府戍辰州均州萬戶府戍常德澧州賜諸王岳忽

難銀印丙寅詔各省戍軍輪次放還二年供役陞宣
徽院爲從一品癸酉詔中書省貨財出納自令無券
記者勿與以守司徒集賢院使領太史院事阿魯渾
撒里爲平章政事賜諸王六十脫脫等鈔一萬三千
餘錠四怯薛衛士五萬二千餘錠千戶撒而兀魯所
部四萬錠淮安楊州饑甘肅亦集乃路屯田旱並賑
以糧

四年春正月丙申申嚴京師惡少不法之禁犯者黥
刺杖七十拘役辛丑詔蒙古都元帥也速答而非奉
命勿擅決重刑命和林戍軍借幹脫錢者止償其本

癸卯復淮東漕渠賜諸王塔失鐵木而金印賜翰林承旨僧家鈔五百錠以養其母賜諸王木忽難所部一萬二千餘錠八魯刺思等部六萬錠二月丁未朔日有食之乙卯遣使祀東嶽丙辰皇太后崩明日祔葬先陵戊午太陰犯軒轅壬戌帝諭何榮祖曰律令良法也宜早定之榮祖對曰臣所擇者三百八十條一條有該三四事者帝曰古今異宜不必相沿但取宜於今者甲戌發粟十萬石賑湖北饑民仍弛山澤之禁罷稱海屯田改置於呵札之地以農具種實給之乙亥車駕幸上都置西京太和嶺屯田立烏撒

蒙等郡縣併會理泗川西州爲三置維摩州丙子命
李庭訓練各衛軍士賜晉王所部鈔四萬錠二月乙
未寧國太平兩路旱以糧二萬石賑之夏四月丙午
勅詔雲南行省釐革積弊壬子高郵府寶應縣民孫
奕妻朱一產三男蠲復三年丙辰置五條河屯田丁
巳免今年上都隆興絲銀大都差稅地租賜諸王也
減千鎰金印緬國遣使進白象戊午叅政張頤孫及
其弟珪等伏誅于隆興市頤孫初爲新淦富人胡制
機養子後制機自生子而死頤孫利其貲與珪謀殺
之賂郡縣吏獲免其僕胡忠訴主之寃于官乃誅之

其貲悉還胡氏以中書省斷事官不蘭奚爲平章政
事賜皇姪海山所統諸王戍軍馬二萬二千九百餘
匹五月癸未左丞相荅剌罕遣使來言橫費不節府
庫漸虛詔自今諸位下事關錢穀者毋輒入聞帝諭
集賢大學士阿魯渾撒里等曰集賢翰林乃養老之
地自今諸老滿秩者陞之勿令輒去或有去者罪將
及汝其諭中書知之增雲南至緬國十五驛驛給圓
符四驛券二十甲午太陰犯壘犛陣辛丑太白犯輿
鬼太陰犯昴復延慶司賜諸王也只里部鈔二萬錠
入憐脫列思所隸戶六萬五千餘錠是月同州平

隆興電楊州南陽順德永昌歸德濟寧徐濠苟陂阜
蝗真定保定大都通薊三州水六月己酉詔立緬國
王子窟麻剌哥撒八爲緬國王賜以銀印及金銀器
血衣服等物丙辰以太傅月赤察而爲太師完澤爲
太傅皆賜之印丁巳太白犯填星御史中丞不忽木
卒貧無以葬賜鈔五百錠甲子置耽羅總管府詔各
省自今非奉命毋擅役軍以和林都元帥府兼行宣
慰司事吊吉而瓜哇暹羅蘇八等國二十二人來朝
賜衣遣之秋七月甲戌朔右丞相完澤請上徽仁裕
聖皇后謚寶冊乙酉緬國阿散哥也弟者蘇等九十

一人各奉方物來朝詔命餘人留安慶遣者蘇來上
都辛卯癸惑犯井加乳母冀國夫人韓氏爲燕冀國
順育夫人石林氏爲冀國夫人杭州路貧民乏食以
糧萬石減其直糶之八日癸卯朔更定蔭叙格正一
品子爲正五從五品子爲從九中間正從以是爲差
蒙古色目人特優一級置廣東鹽課提舉司癸丑太
陰犯井庚申緬國阿散吉牙等昆弟赴闕自言殺主
之罪罷征緬兵甲子辰星犯靈臺上星大星名之白馬
縣早閏八月庚辰癸惑犯輿兇庚子車駕還大都以
中書右丞賀仁傑爲平章政事賜晉王所部糧七萬